

26580/P 378

DISSERTATIO MEDICA
INAUGURALIS,
DE
RHEUMATISMO ACUTO.

DISSERTATIO MEDICA
INAUGURALIS,

DE

RHEUMATISMO ACUTO;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S.S.T.P.

ACADEMIÆ EDINBURGENÆ Praefecti:

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

JOANNES METCALFE,

ANGLUS:

Societ. Med. Reg. Edin.

Soc. Extraord.

necnon

Societ. Physic. Lond.

Soc.

Ad diem 12. Septembris, hora locoque solitis.

EDINBURGI:

CUM PRIVILEGIO,

APUD ALEX. SMELLIE,

M,DCC,XCVIII.

PATRI SUO CARISSIMO

GEORGIO METCALFE

DE SPALDING

IN COMITATU LINCOLNIENSI,

PIETATIS

MONUMENTUM,

ITEMQUE

ITEMQUE

VIRO SPECTATISSIMO

GULIELMO ALBIN

ARMIGERO

LONDINI

HANC DISSERTATIONEM,

PROPTER SINGULAREM AMICITIAM,

QUA EUM COHONESTARE

DIGNATUS EST,

EXIGUUM GRATI ANIMI PIGNUS,

DICAT

AUCTOR.

12-13-76

11-13-76 11-13-76

11-13-76 11-13-76

11-13-76 11-13-76

11-13-76

11-13-76

11-13-76 11-13-76

11-13-76 11-13-76

11-13-76 11-13-76

11-13-76

11-13-76 11-13-76

11-13-76

11-13-76

DISSERTATIO MEDICA

INAUGURALIS,

DE

RHEUMATISMO ACUTO.

HAEC affectio priscis medicis parum innotuit: vocabulum *rheumatismus* variis quidem ac diversis morbis inditum fuit; eodem autem primò Ballonius, medicus Parisiensis, ad malum, de quo agitur, significandum, usus est; eundemque a catarrho, et podagra, secrevit.

Bottalus primus sanguinis detractionem,

2 DE RHEUMATISMO ACUTO,

remedium in hoc malo, commendavit; quam medendi rationem medici quique clariores, in artis nostrae usu maximè versati, inter quos eminent Riverius et Sydenham, exinde secuti sunt.

Postea cel. Cullenus scientiam nostram de hac affectione, accuratiore ejusdem historiâ traditâ, medendique ratione emendatâ, haud parum adauxit. Rheumatismum ad phlegmasiarum ordinem relatum hoc caractere ab aliis consimilis naturae affectibus separavit. “ Morbus ab externa, et plerumque evidente causa; pyrexia; dolor circa articulos, musculorum tractum sequens, genua et reliquos majores, potius quam pedum, vel manuum, articulos, infestans, calore externo auctus.” Cum autem nulla definitio, quamlibet accurata, omnia mali phaenomena, eorundemque varietates, complecti potest: eandem,

dem, morbi historiam uberius tradendo, pleniorē reddere conabimur.

DE MORBI HISTORIA.

Rheumatismus a solitis pyrexiae signis plerumque incipit; aeger primo languore et lassitudine afficitur; corporis extrema pallescunt, et torpent; frigoris sensus, qui secundum dorsi spinam descendit, qualis, impetu febris intermittētis instante, supervenit, saepe percipitur; et tandem cum horrore in totum corpus diffunditur. Haec signa brevi excipiunt calor toto corpore fusus, sitis, inquietudo, anxietas in praecordiis; et cibi, qualiscunque fuerit, fastidium. Lingua fit admodum sicca, et colorem albidum induit; arteriarum percussus jam admodum frequentes, pleni, ac duri, sunt: spiritus turbatus crebrò, laboriosè,
et

4 DE RHEUMATISMO ACUTO.

et arctè, meat : pyrexia auclâ, facies ruborẽ suffunditur, cutisque insigniter aret; capitis dolor, et vertigo, superveniunt; visque oculorum sentiendi mirum in modum augetur.

Postquam pyrexiae signa plus minus diu, unum, aut alterum, plerumque diem, perstiterint; dolores acuti ac mordaces in diversis corporis partibus sentiuntur; easque praesertim partes, quae cute tenuiore teguntur, et praecipue articulos majores, humeros, nimirum, coxendicem, genua, aliosque articulos, nec raro carpos, corripunt: manus autem, pedes, ac digiti, raro afficiuntur. Dolores vero interdum in variis corporis partibus ante sentiuntur, quam pyrexiae signa se ostendunt. In nonnullis rheumatismi exemplis dolor sedem suam in una tantum parte figit; saepius autem plures simul partes occupat; hîc tamen unum, multo saevius quam caeteros, articulos, angit.

Dolores

DE RHEUMATISMO ACUTO. §

Dolores saepenumero musculorum cursum, secundum aponeuroses, sequentes, articulatim subito vibrari videntur: hanc sedis mutationem, noctu praecipue, corporis calore lecti stragulis intenso, subeunt; quo tempore violentius saeviunt, et mira proclivitate ad articulos antea cruciatos redire solent: hoc modo, in uno articulo remittentes, in altero vicissim recrudescentes, perstare solent; donec tandem omnes fere majores corporis articuli affecti fuerint: hoc porro tempore pyrexia, quae rheumatismum comitatur, violentius ardet: aeger enim miserandus, totum noctem fatigatus insomnis agit: articuli inflammati dolor lecti colore adauctus, quae res indivulsa rheumatismi comes nunquam non existit, aegrumque tanto cruciatu afficit, ut ne tantillus quidem motus, neque etiam stragula partem dolentem vel levissimè tangentia, ferri queant, ad summum cruciatum exurgit, doloremque excitat, quem

6 DE RHEUMATISMO ACUTO.

quem nemo, qui hoc malum, aut podagram non passus fuerit, animo concipere potest.

Si pyrexia mitis, vel nulla, existit, dolores intra unius quidem articuli limites cohiberi possunt; si fuerit autem insignis, plures alii simul tentari solent; unus tamen articulus, ut supra diximus multo saevius quam caeteri, torquetur: articulis aliquamdiu dolore affectis tumor ac rubor superveniunt; et Pars affecta omnia phlegmonae genuinae indicia exhibet. Tumore detumefcente, signa interdum mitigantur; hoc autem articulum a mali reditu immunem minime praestat. Dolor, tumor, ac rubor, solito graviores existentes, raro fixi manent; sedem enim, idque interdum derepente, mutant, et ad partem longe quidem distantem, neque ullo musculorum nexu conjunctam, veluti a genu dextro ad cubiti finistri summitatem, quod mihi plus
simplice

DE RHEUMATISMO ACUTO. 7

simplice vice novisse contigit, subito transvolant.

Rheumatismus acutus raro crisi solvitur: sudor licet ab initio usque interdum adfuerit; haec autem exinanitio nec copiosa est, nec in totum corpus, nec in articulos affectos, qui aridi, ac rigidi, manent, diffunditur; nec dolores eodem levantur. Doctor Fordyce rheumatismum tertiana superveniente sanatum refert: aegrumque morbo sic liberatum reditui ejusdem, frigore, aut humore, agente, minus opportunum esse observatum est. *

Ūrina per totum morbi cursum decolorata est; quamvis in primo morbi stadio praeter solitum rubet, pellucida tamen existit, neque quid faecis lateritiae, ut in provectioribus stadiis fieri solet, deponere observatur.

Intestina

* Fordyce, 2d. Dissertation on Fever.

§ DE RHEUMATISMO ACUTO.

Intestina fere nunquam immunia evadunt: alvus enim insigniter compressa est. Sanguinis e vena missi, et statim in vas recepti superficies eandem crustam coriaceam habet, quae in caeteris phlegmasiis observatur.

Res quidem satis notabilis est, quod haec affectio fere semper resolutione, raro supuratione, nunquam gangraena, aut scirro terminatur; dolor licet et inflammatio plures septimanas perstiterint; haecque facie externa a caeteris phlegmasiis minimè distet. Humor autem pellucidus et viscidus haud raro in tendinum vaginas, in telam cellulosa, et nonnunquam, ut verisimile mihi videtur, in bursas mucosas, effunditur. Hunc humorem Cullenus in casibus a se observatis semper absorptum fuisse narrat. Stork autem articulorum tumores memorat, qui scalpelli usum ad liquorem evacuandum requirebant.

In nonnullis exemplis pyrexia, quae acutum rheumatismum insignit, penitus antecessat, quam articulorum tumor, et praesertim rubor, evanescunt: dolores tamen, mitiores licet facti, saepe perstant; nonnunquam intermittunt; arctioribusque limitibus circumscribuntur: aliquem enim ex majoribus articulis, plerumque lumbos, aut genua, occupant: minusque ad sedem suam mutandam proclives evadunt. Pars affecta rigida fit, et arida; dolorque sub quovis musculorum nisu excitatur; et copioso ex caeteris corporis partibus sudore manente, articuli affecti sunt frigidi, et sudore gelido madent.

Articulorum dolores tempestatis vicissitudine facillimè et insignitè afficiuntur; frigore ac humore haud parum augentur; calore autem levantur, et saepe tolluntur.

Quando morbus hanc formam induit, rheumatismus chronicus vulgo audire solent.

Affectio, cujus phaenomena describere conati sumus, utrumque sexum ex aequo afficere dicitur: cel. autem Home accuratissima observatione insignis, rerumque usu peritus, mulieres saepius quam mares eadem affici asserit. Rheumatismus homines a pubertate usque ad annum trigesimum quintum, et interdum ad quadragesimum, adoriri fere solet: qui hanc aetatem non attigerint, aut annum quadragesimum superant, raro graviter afficit: florentem aetatem, et praesertim plenos, ac temperamento sanguineo praeditos, quique multa carne vescuntur, et vitam inertem degunt, saepius quam delicatulos, ac teneros, tentare solet.

Quoniam rheumatismus acutus, cum subita frigoris ac caloris vicissitudine conjungitur,

tur, eundem vere et autumnō frequentius occurrurum, *a priori* judicare fas esset; et sane rem ita se habere experientia plus satis docuit. Cum autem coeli mutationes quavis anni tempestate contingere possunt, anni tempus, quo morbus interdum se ostendat, ex variis rebus pendeat. Plerumque autem has terrae plagas, in quibus coelum subitas ac insignes mutationes subit, frequentius infestat. In regionibus autem calidis raro se ostendit. Doctor Hillary de morbis Insulae Barbadae tractans eandem hoc malo immunem existere scribit.

DIAGNOSIS.

Morbos affines accuratè fecernere summi quidem in medicinae usu momenti est. Morbi praecipue, quibus rheumatismus intermisceri potest, sunt podagra, syphilis, et scorbutus.

ſcorbutus. Podagra quidem rheumatifmum maxime refert : ſi autem aegrotantium hif-
toria, et ſigna utriusque affectionis propria,
rite perpendantur, hi morbi, praefertim quan-
do indicia adſunt, quibus exquisitè inſigni-
untur, facile a ſe invicem dignoſci queunt.

Rheumatifmus a frigore et humore cor-
pori admotis plerumque exoritur ; et quo-
ties de his cauſis conſtiterit, nullum de mor-
bi natura dubium exiſtere poteſt : podagrae
origo, contrà haud raro admodum obſcura
eſt ; quamvis interdum ad cibi, aut potus,
veneriſque, intemperantiam, referri poteſt :
nec in rheumatifmo obſervatur ille partes
externas inter et internas conſenſus, qui in
podagra, cujus tentationem partium inter-
narum, et praefertim ventriculi ac inteſtino-
rum, affectiones antecedunt, adeo manifeſ-
tus eſt : paucis ante enim podagrae tenta-
tionem diebus, aeger naufeâ, vomitu, ac in-
ſomniâ

somniâ fatigatur ; ventriculi functiones praecipue, plus minus laeduntur : inflatio, ructus acidi, et interdum gustus amissus, cum plurium functionum infirmatarum signis plerumque antecedunt : haec autem rheumatismum raro praecedunt, aut comitantur.

Podagra saepenumero ex vitio haereditario pendet : nihil autem hujusmodi adhuc de rheumatismo cognoscitur. Podagrae dolores fedem suam altius figunt, per intervalla fatis definita redeunt, et articulos minores, tarsum, putà, aut metatarsum, hunc quidem praecipue, infestare solent. Dolor quidem unam tantum partem, et praesertim pollicis pedis articulum, saepenumero discruciat.

In rheumatismo autem articuli majores plerumque, minores raro, et artuum superiorum, frequentius quam inferiorum, juncturae,

14 DE RHEUMATISMO ACUTO.

turae, torquentur : dolores unâ corporis parte rarius contenti, plures simul invadere solent, et secundum musculos transvolantes, miram sedem suam mutandi proclivitatem exhibent. Podagra raro primam aetatem adoritur : plerumque enim non nisi plus annos triginta quinque, aut etiam quadraginta, natos, corripit : mares saepius podagrâ, mulieres saepius rheumatismo, laborant. Quibusdam podagricis res cretae haud ab-
similis in digitorum juncturis deponitur ; quod in rheumatismo nunquam observatum est.

Rheumatismus a syphilitide, sequentia observando, facile dignosci potest : in hac enim dolores in media ossium longorum, et cranii, parte, praecipue sentiuntur ; sunt plerumque vagi ; nullum autem definitum redeundi tempus observant : sunt magis fixi quam dolores in rheumatismo, neque ullâ
pyrexia

pyrexia comitantur: in rheumatismo autem dolores, ut supra posuimus, musculorum ligamenta, et aponeuroses tendineas, circa articulos, tantum afficiunt, et saepe tactu levissimo asperantur, quod nunquam in syphilitide observatur. Porro in syphilitide cranii ossa saepe tentantur, et nonnunquam exostoses adsunt: haec autem rheumatismum nunquam comitantur: insuper si bubones, ulcera tonsillarum, aut cutis, praesertim, si maculae coloris cuprei, ad capillitii marginem, dolores antecedunt, aut comitantur, aut subsequuntur; facile de dolorum origine judicare poterimus.

Signa scorbuti propria hunc morbum a rheumatismo satis clare separant: scorbutus enim a debilitatis, ac torporis, signis incipit; pulsus est abnormis et debilis, anima foetet, gingivae spongiosae ac molles evadentes sanguinem tactu levissimo profundunt; pal-

lor in ore sedet, limbusque lividus oculo circumdatur: maculae diversi caloris plerumque vero lividae, in variis cutis partibus, et praesertim ad pilorum radices, superveniunt; quae quidem signa nunquam se rheumatismo comites jungunt.

DE CAUSIS REMOTIS.

Causarum remotarum aliae dicuntur praedisponentes, aliae occasionales, vel excitantes. In omni forsan rheumatismi exemplo frigus est causa occasionalis: si insigni vi in corpus agat, morbum omni aetati, sexui, ac temperamento, etiam si nulla in eundem proclivitas anteierit, concitare potest; non desunt tamen res, quae corpus eidem opportunum reddunt, et sic causae occasionalis actioni favent: hae quidem res variae ac multae sunt. Diathesis autem phlogistica

tica

tica est illa corporis conditio, quae homines praesertim in rheumatismum proclives reddit: haec a pubertate ad annum trigessimum quintum, sive mediam aetatem, praecipue viget. Qui in regionibus frigidioribus vitam degunt; et praesertim ubi frigus ac calor subito se invicem excipiunt: quique temperamento sanguineo, atque juvenili robore praediti sunt, hos, prae caeteris, rheumatismo opportunos esse, inter omnes jam constat.

Medicamentorum quoque roborantium usus longus ac nimius, vim corporis irritabilem ultro modum intendendo, morbum excitare potuerint. Cel. Sydenham morbi exempla ex diuturno cinchonae officinalis usu orta memorat. Omnia quae nimiae sanguinis abundantiae favent, diathesin phlogisticam augere patet: qualia sunt iners et ignavum vitae genus, diaeta plena, lauta,

ac nimis nutriens; somnus immodicus, solitae exinanitiones subito repressae, cutis, putà, halitus, menses: hinc forte ratio reddi potest, quare mulieres in hunc morbum maribus procliviores fiant; huc quoque pertinere videntur, fonticulorum, fetaceorum, aut vesicatoriorum, exinanitiones suppressae; usitata quoque sanguinis detractio omissa, et haemorrhagiae solitae cessantes.

Praeter causas jam dictas, omnia, quotquot corpus infirmant, laxant, ac solvunt, idem irritabile reddunt, efficiuntque ut causae nocenti multo minus obstat: inter haec eminet nimius salivae fluxus longo, aut immodico, hydrargyri usu, motus: his annumeranda sunt, venus nimia, morbi longi, inertia, cubicula calida, &c. quae omnia vim musculorum irritabilem nimis augment, et opportunitatem ad hunc morbum faciunt.

Quibus enim vires morbis acutis recens

fractae

fractae fuerint, hos subitis coeli mutationibus, prae caeteris, exquisitius affici, est res satis nota. Causae occasionales vel excitantes plures esse possunt; frigus autem est princeps, et frequentissima, quando corpori diutius admovetur, vel conjungitur cum humore, quippe qui in vaporem solutus frigus insigne gignit, actio ejus imprimis intenditur; quo major quoque fuerit corporis calor, eo majori in eodem vi frigus pollebit. Quicquid denique musculorum actionem ultra modum intendit, quales sunt nismus eorundem violentiores, causa excitans fieri potuerit.

DE PROGNOSE.

Quamvis rheumatismi dolores sint admodum saevi, exitum tamen raro, aut fere nunquam infelicem esse longa experientia con-

stat. Non defunt quidem exempla, in quibus morbi eventus infaustus fuit: hujusmodi autem casus, typhum, aliosve morbos periculosos, fere semper comites habent. Morbi cura est saepe difficilis, et medicamentis male absolvitur; hoc praesertim evenit, quando malum fit robustum, et inveteratum, vel aeger iteratos ejusdem impetus passus fuerit, et membranae praeter naturam crassae ac rigidae evaserint: tunc enim diri effectus, arthrodynia nimirum, articulorum rigiditas, anchylosis, paralyfis immediate, &c. supervenire solent.

Rheumatismus ad partes corporis internas, cerebrum, scilicet, pulmonem, ventriculum, aliaque viscera, repelli dicitur: haec autem mala ad podagram potius quam ad rheumatismum pertinere mihi videntur. Rheumatismus fere semper resolutione, raro suppuratione, et vix ac ne vix quidem

dem gangraena, aut scirro, finitur. Cel. Stork Vindobonae hanc affectionem suppuratione interdum terminari asserit: pluraque hujus finis in libro, cui titulus, annus medicus, in lucem edidit. Tumoribus apertis, magna puris vis profundebatur; neque chirurgis licet peritissimis adjutus plura ex ulceribus, nulla quidem sine magna difficultate, conglutinare potuit. Sic scribit. “ Longo tempore diversa remedia externa tentavit Dominus Haffner, optatam tamen metam attingere non potuit.” Quamvis autem cel. Stork plura exempla, suppuratione finita, vidit, cel. Cullen hanc morbi terminationem nunquam sibi occurrisse dicit, nec alium novi auctorem, qui casus hoc modo finitos memorat.

Ætate provectiores haud raro multa mala patiuntur, praesertim quando priores morbi impetus imperitè tractati sunt: vel vires
hoc,

hoc, aliisve morbis praegressis, fractae fuerunt; rebus ita se habentibus, prognosis est mala. Si morbus in longum tempus protrahatur, dolorque eidem parti pertinaciter inhaeret, malum augurari fas est. Contra si aeger sit juvenis, nec plures mali tentationes passus fuerit; nec vires intemperantia, aut morbis praegressis, frangantur, neque signa graviora sint; si sudor copiosus ac tepidus, siue arte, siue natura, motus, prorumpat, in totum corpus diffundatur, et horas 12, vel 24, signis simul remittentibus, persistiterit, aegerque bene dormiat; si pyrexia signa leviora fiant, si pulsus sit mollis, nec admodum frequens; et remedia idonea a morbi initio usque data fuerint; aegrum cito, ac tuto, sanitatem recuperaturum, sine errandi periculo, praedicere fas est. Spes nostra ulterius firmabitur, si urina faecem lateritiam deponat, et cibi appetentia redeat, linguaque munda ac humida fiat. Diarrhoea spontanea,

spontanea, aut sanguinis ex aliqua parte profluvium, vel erythema, sunt signa boni ominis.

RATIO MEDENDI.

Ex conspectu morbi supra tradito medendi rationem in duo consilia, quasi sponte, se dividere, manifestum est.

1mo, Diathesin phlogisticam totius corporis, et praecipue partium maxime affectarum, tollere.

2do, Spasnum vasorum extremorum solvere.

Primum consilium regimine antiphlogistico, caeterisque remediis, quae vim cordis et arteriarum morbosam, experientia duce, minuunt. Regimen antiphlogisticum consistit in evitatione et imminutione irritamentorum,

irritamentorum, quae corporibus nostris fere semper admoventur, et generis nervosi vires et actionem intendunt: horum infigniora sunt calor, exercitatio corporis et animi, alimenta, et praesertim cibus ex carnibus paratus, potusque meracus, liquores nimirum fermentati, lux nimia, strepitus, &c.

Temperies igitur cubiculi, in quo aeger decumbit, modica esse debet; nihil enim corpus magis stimulat, aut irritabilius reddit quam nimius calor: cum autem frigus princeps mali causa excitans existit, a nimio ejusdem gradu haud minus caute caveri debet. Media forsan temperies anteponenda est. Aeger simul omnem corporis nifum evitare debet: et quoad situm, cubatio, quippè in qua pauciores muscoli exercentur, praecipienda est. Cumque quaedam animi conditiones diathesin corporis phlogisticam

gisticam haud parum augment : omnia quae animum tranquillunt, et ferenant, admodum necessaria sunt : ab ira igitur, et omni motu, qui ad animum excitandum pertinet, sollicitè cavere debemus. Lucis, simul, ac soni, stimulus, minuatur oportet. Cibi fere omnis, ex carnibus parati, usus interdicendus est : et in horum locum res blandae, mites, ac refrigerantes, fructus nimirum subacidi, farracea, panis bene fermentatus, et glutinosa, fago, &c. substituantur : observandum est autem hic loci ; nullam fere diactam, praeter ptisanam, dum diathesis phlogistica saevit, concedi debere.

Liquores omnes meraci, liquores, putâ,
fermentati, vinum, aut hujus spiritus,
quippe quae omnia non solum corpus ve-
hementer calefaciunt et stimulant, sed
etiam animum ultra modum irritant, cau-
tissime evitanda sunt. Decocta ex farraceis,
rDpotusque,

potiusque, qui ex aqua potissimum constant, optime respondebunt. Cura simul adhiberi debet, ne ventriculus cruditate laboret, aut intestina faecibus diutius retentis graventur: haec enim omnia corpus non parum stimulant et calefaciunt: praesertim cum morbi inflammationem habentes urgent. Hae noxae vomitoriis mitioribus, medicamentis catharticis, et enematribus lenioribus exinaniantur oportet.

Quamvis regimen antiphlogisticum, de quo jam pauca diximus, haud parum ad diathesin phlogisticam minuendam facit; hoc tamen absolvitur potissimum remediis evacuantibus, quorum efficacissima sunt sanguinis detractio, praesertim morbi initio, copiosa, et saepius, si signa postulaverint, iterata, et alvi purgatio. Quoad sanguinis quantitatem detrahendam, hujusque iterationem, docet pulsum arteriarum conditio,

tio, dolorum, et inflammationis, magnitudo, aegri vires, aetas, fexus, temperamentum, et usus hujus exinanitionis frequentior, aut rarior.

Si aeger fit adultus, validus, et plenus, unciae 14, aut 16, impune simul detrahi queant; haec quantitas hoc modo detracta plus valet ad diathesin phlogisticam tollendam, et dolores mitigandos, quam 30, vel etiam plures, diversis temporibus parva tantum quantitate missae. Si febris, et alia indicia, post horas duodecim elapsas, urgere pergant; ad alteram detractionem confugiendum est.

Si aeger autem fit aetate proventus, aut habitus corporis delicatulus existat, sanguinis detractio debet esse parcior. Quantitas autem in hujusmodi exemplis detrahenda haud facile ad mensuram redigitur. Cel.
enim

enim Gregory, inter aegros quosdam admodum debiles curandum, post regimen antiphlogisticum, sanguinem ex partibus dolentibus missum, et medicamenta sudorem moventia frustra adhibita, detractio sanguinis generali haud raro uti coactus fuit. Quandocunque autem sanguinis detractio necessaria videatur, observandum est eundem ex ostio magno velociter effluentem multo plus ad inflammationem tollendam valere, quam copiam longe majorem tardè ex parvo ostio missam.

Cum sanguis in hoc morbo crustam coriaceam albam per totum fere cursum ostendit, non possumus judicare ex sanguinis specie de quantitate detrahenda, neque de eadem iteranda, nisi alia signa simul adsint; qualia sunt pulsus frequens validus ac durus, partis tensio, tumor, rubor, calor, et dolor. Interea observandum uncias 14, 16,

aut

aut 20, pro magna; 12, vero, vel pauciores; pro parva sanguinis detractiōe, habendas esse. Riverius detractiōes sanguinis frequentes in hoc morbo commendat, et haec verba habet, ‘ Quandoquidem hic morbus ‘ hoc habet peculiare, ut ex frequente venæsectione vires non dejiciuntur, sicut in ‘ aliis morbis solet contingere.’ Eques Pringle quoque sanguinis detractiōem hîc enixe commendat, morbumque iteratâ, et fere quotidianâ, sanguinis detractiōe, præcipue sanari asserit; corpusque multo minus hac exinanitione in hoc morbo, quam in quovis alio, infirmari, addit. Quantiscunque vero laudibus hoc remedium in rheumatismo acuto efferatur, nunquam e memoria excidere debet, dirissimos effectus, ingentem, nimirum, ac periculossimam, debilitatem, feracem hydropis, multorumque aliorum malorum pertinacium parentem, ex nimio ejus usu provenisse. Si dolores

autem

autem pertinaciter urgere perstant, et unum tantum articulum torquent; generali sanguinis detractiōe adhibitâ et iteratâ, quoties medicus prudens, et cautus, necessarium habuerit; et praesertim si morbus ex his doloribus potius quam ex diathesi corporis phlogistica pendeat, et iisdem perpetuetur: sanguinis detractio ex partibus affectis, quae multum quidem inter medicos laudatur, ad dolorem mitigandum, praecipiat oportet: hîc sanguis hirudinibus, vel cucurbitulis cum ferro admotis detrahi debet.

Vesicatoria quoque et rubefacientia parti dolenti imponenda, vel linimenta iisdem affricanda, laudantur: raro autem in acuto rheumatismo prodesse solent, imo saepe quidem nocent; dolorem enim, ut experientia constat, saepe intendunt.

Medicamenta

Medicamenta cathartica saepe ad rheumatismum acutum sanandum adhibita fuerunt: eisdem vero raro, aut nunquam, fidere possumus; neque tanta quidem in diathesi phlogistica tollenda vi, quanta sanguinis detractio, pollent. Porro magna molestia, quam secum plerumque afferunt, liberum eorundem usum prohibet. Omnis enim corporis motus dolorem acutum excitat, morbumque intendit. Quamvis autem cathartica parum idonea sunt, imo etiam nocent, ob motus corporis frequentes, et dolorem acutum, inde natum, quos efficiunt, et ob periculum ex aëre frigido, cui aeger, inter surgendum, necessariè obijcitur, quique semper in hoc malo cautè vitari debet; cum tamen proclivitas ad alvi duritiem hujus morbi comes haud raro existit, summa ope niti decet, ne quid irritamenti oriatur a stercore diutius intestinis retento, quod corpus haud parum calefacit,

et

et stimulat; alvus igitur per totum malicursum leniter soluta sit oportet, quod enematibus emollientibus, prout signa postula-verint, iteratis, fieri potest. Si haec autem non respondent, confugere licet ad cathartica mitiora, qualia sunt, manna, tamarindi fructus, tartari crystalli, quae parvis tantum dosibus administrari debent. Medicamenta refrigerantia eodem consilio dentur: haec sunt diluentia, quae, acidis nativis frugum, ad gratum acorem, additis, sitim optime restingunt, corpus refrigerant; omnesque excretiones promovent: porro haec remedia haud parum ad spasmum superficiei corporis solvendum conferunt.

Diatthesi phlogisticâ sublatâ, aut saltem minutâ, animus ad secundum medendi consilium, spasmum nempe vasorum extremorum tollere, adverti debet. Hoc consilio omnia fere medicamenta sudorifica diversis temporibus

temporibus adhibita fuerunt. Sudorem autem medicamentis, quae corpus minime stimulant, aut calefaciunt, moveri necesse est; si enim medicamentis irritantibus eliciatur, diathesin phlogisticam multum intendit; nec parum corpori nocet. Pulvis ipecacuanhae compositus optime huic fini accommodatur; diuque omnium medicorum suffragia non sine summo, ob magnam in hoc morbo utilitatem, jure, sibi vindicavit. Ante vero quam pulvis datur, aeger pannō laneo, quippe qui sudorem promovet, et imbibit, multo melius, quam linteus, indutus decumbere debet. Sudorem semper quam lenissime cieri oportet; doses igitur pulveris magnas dare non licet; porro iusto major dosis nauseam, ac vomitionem movere solet; grana 10, aut 12, secundā quāque horā, donec sudor copiose fluat, satis sunt. Sudor iisdem fere dosibus, longioribus tamen intervallis, promoveri, et

E

perpetuari;

perpétuari, debet. Vel in pulveris locum, haustus ex tincturae opii et tincturae ipecacuanhae, vel, vice hujus, ex vini antimonii tartarifati, singulorum guttis 20, factus, suffici potest.

Porro opus est ut sudor ex omni corporis parte copiose manet: si igitur in pedes usque non diffundatur; quod interdum fieri solet: his fomenta calida, vesicae nimirum aqua tepida femiplenae, admoveantur oportet. Sudor hoc modo in horas 24, aut 48, protractus promoveri potest; ejusque imminutio signorum violentiâ et aegri viribus regatur. A pulvere fumendo aegrotus bene mane incipiat; omnes enim secretiones die, facilius quam noctu, dum dormit aeger, promoventur; porro pyrexia doloresque noctu plerumque ingravescent, et mane remittunt. Nullus aegro administrari debet potus, donec sudor prorumpat, ne pulvis rejiciatur;

rejiciatur : eodem prorumpente, potus tepidi diversi, praesertim illi, quae minime stimulant, liberali manu exhiberi debent.

Vomitio lenis, ineunte morbo, saepe prodest, sudorem enim, humorum cursum corpus extremum versus accelerando, haud parum auget, et sic corpus refrigerat ; plena autem vomitio, quippe quâ corpus magno-
pere agitur, et dolores inde necessariè intenduntur, nunquam adhiberi debet : vomitiora igitur dosibus admodum parvis, ad nauseam tantum lenem administrata, minime periculosa sunt : imo, caute hoc modo data pyrexiam, vasorum corporis extremorum actionem excitando, sudoremque aliquamdiu sustinendo, haud parum minuant : porro alvum leniter solutam tenent. Omnibus autem remediis, quae hac in corpore humano vi pollent, diu praelata fuit tartris antimonii. Finem faciam memorando

rando medicamentum, quod cel. Saundera praeclarum in rheumatismi acuti curatione auxilium, fama concelebravit: volo cinchonam officinalem, quae maxime optandos effectus in hujus mali sanatione, diathesi phlogistica remediis idoneis prius sublata, edit. Clar. enim doctor perito hujus remedii usum pessimos rheumatismi acuti effectus, arthrodyniam, nimirum, articulorumque rigiditatem, ac debilitatem plerumque praeveniri afferit *. Rheumatismus autem acutum nihil aliud esse, quam febrem intermittentem, ut cel. vir contendit, eidem assentiri nequeo.

* Saunders's Observations on the Red Peruvian Bark in the cure of agues and fevers, &c.

F I N I S.